

# UMT diharap melahirkan penyelidik berkaliber

Sf 27/08/07 Pg. T3

Usaha tersebut adalah selaras dengan aspirasi UMT sendiri untuk menjadi sebuah universiti penyelidikan terkemuka di dalam mahupun luar negara.

■ RAHAYU MUSTAFA

**KUALA TERENGGANU** - Universiti Malaysia Terengganu (UMT) diharap dapat melahirkan lebih ramai penyelidik yang berkaliber serta menghasilkan penyelidikan berkualiti pada masa hadapan.

Raja Permaisuri Agong, Tuanku Nur Zahirah bertitah, usaha tersebut adalah selaras dengan aspirasi UMT sendiri untuk menjadi sebuah universiti penyelidikan terkemuka di dalam mahupun luar negara.


"Sementara mengejar status universiti penyelidikan, UMT juga tidak harus lalai dalam mempertingkatkan kualiti

pengajaran dan pembelajaran sekali gus meneruskan usaha meningkatkan jumlah tenaga pengajar yang memiliki kelayakan serta kepakaran dalam bidang pengajian yang menjadi tumpuan UMT," titah baginda.

Baginda bertitah demikian pada Majlis Istiadat Pemasyhuran Canselor dan Majlis Konvokesyen Kali Ke-5 UMT, di Dewan Sultan Mizan, UMT, di sini, semalam.

Tuanku Nur Zahirah bertitah, dalam penyebaran dan penerokaan ilmu, selain tenaga pengajar, aspek prasarana juga perlu diberi perhatian serius untuk diperingkatkan dengan peralatan dan kelengkapan berteknologi tinggi.

"Di samping itu, usaha-usaha mempromosi UMT juga perlu dipergiatkan lagi agar muncul sebagai universiti utama para pelajar sama ada di peringkat prasiswazah



Tuanku Nur Zahirah (kiri) menyampaikan skrol kepada salah seorang graduan, semalam.

mahupun pasca siswazah dari dalam mahupun luar negara," titahnya.

Baginda turut berharap UMT dapat meneruskan kecemerlangan dalam menjana pelbagai ilmu ino-

vatif yang mampu menyumbang kepada pembangunan minda masyarakat serta berusaha menjana kepesatan pembangunan pendidikan negara.